

Inatsisartut suleriaasianni § 37 naapertorlugu matumuuna Naalakkersuisunut imaattunik apeqquteqaatinik saqqummiussivunga:

**Apeqqut:**

**Avannaani aalisarnikkut pingaartumik qaleralinniartunut ukiup aallartinneraniit upernarneranut tunitsiviit qerinasuartitsiviit il.il. ulikkaarnerisigut aalisartut aningaasarsiornerat unittarpoq, piffissamilu sivisuumi aningaasarsiorniarnerat ajornartiorsiorfiusarpoq.**

- 1. Tamanna inuiaqatigiinnut ilaqutariinnut ataasiakkaanut minnerunngitsumillu suliffeqarfinnut qanoq aningaasanngorlugu annaasaqaatit annertutiginerat misissorneqarnikuua?**
- 2. Misissorneqarsimappat qanoq tamanna inuiaqatigiinnut naleqarpa?**

(Inatsisartunut ilaasortaq, Knud Kristiansen, Siumut)

**Tungavilersuut:**

Nunatsinni sineriassuatsinni aalisarnikkut aningaasarsiorneq, ilaqutariippassuillu inuuniarnerminni tungavigaat. Ukiullu aallartinnerani tunitsiviit sumiiffinni nunaqarfippassuarnilu ulikkaartitilernerini aalisartorpassuit ilaquataallu annertuumik eqqorneqartarput, tamannalu aamma pilersuiniarnikkut akilersuiniarnikkullu unamminartunngortitsisarpoq. Minnerunngitsumillu niuerfiit taamatullu suliffeqarfiit pingaartumik tunitsivinnik ingerlatsisut qularnangilaq aningaasatigut annertuumik annaasaqaatigisassagaat.